

四庫全書

史部

# 欽定四庫全書

史部

硃批諭旨卷一百八十九下

詳校官尚書臣德保

編修臣裴謙覆勘

總校官中書臣朱鈐

校對官典簿臣郭祚熾

謄錄監生臣楊其梓

欽定四庫全書

不批諭旨卷一百八十九下

不批張廣泗奏摺

雍正八年三月二十七日貴州巡撫臣張廣泗謹  
奏為恭懇

聖恩揀發人員以資委用事竊照黔省現在州縣內除  
已於苗疆要地或例應揀選

題補或因督臣遵

旨遞行題補所出之缺前於督臣鄂爾泰經由黔省時

臣將人地相宜之員詳細酌量逐一開送督臣聽候確核會疏

題請補授此外可用之材頗少至從前奉發來黔之試用知縣祇剩四五員知縣以下試用者亦僅五六員又俱已委署差遣凡有州縣等缺出每致委署乏人伏查近准吏部咨開欽奉

上諭會試中額廣至四百名其中必有可供任使之入

而直省選拔貢生陸續來京亦可揀選教導而成就之以備庶官之用欽此仰見我

皇上勤求吏治博攬人材至周至備茲黔省既在需員  
臣 跪懇

天恩准於會試中式之進士內并在部候補候選之知  
州知縣內

敕諭揀選十餘員恭候引

見命來黔省俾遇有州縣缺出分別繁簡酌量委署庶

員缺不致曠延矣再查各府州縣之經歷吏目典史等官有常司緝捕防範監獄之責至苗疆要區尤不可一日缺員并請

敕部在於知縣以下之候補候選人員內亦行揀發二十員來黔以便遇缺借補委用庶臣得資臂指之益臣謹繕摺

奏請伏祈

皇上睿鑒謹

奏

有旨諭部照所請揀選發往

同日又

奏為奏明事竊臣自抵任之後檢閱卷宗欽遵

上諭查得黔省各官於雍正三年起荷蒙

皇上俯准分給養廉以來迄今數載實無上司仍受屬

員節禮陋規之事惟養廉一項自巡撫以至州縣

業叨

聖恩賞給其餘佐貳雜職等員并各學教官從前俱未  
議給所當凜遵

諭旨悉心商酌況近今新設苗疆道廳等官亦應給與  
養廉以及通省地方公務經費不敷均應從長調  
劑今擬將貴州礦廠所產倭鉛照滇省之例動帑  
收買運售除歸還課項外每年餘息約可得銀五  
六萬兩仰懇

聖恩即將此項餘息銀兩賞給黔省以為養廉之需竝



一切公事之用則諸凡皆得充裕羣工均戴

皇仁於無既矣臣謹與督臣備細籌畫暨司道等核議

僉同謹繕摺奏

聞所有公費養廉數目另繕清摺恭呈

睿鑒謹

奏

各官養廉一節亟宜措畫但直省從無議及教官者爾  
此舉似有示恩沽譽之意將朕所諭密令鄂爾泰知之

同日又

奏為恭謝

天恩事雍正七年十二月初一日臣標千總自京捧齋  
奏摺匣回黔蒙

欽賜哈蜜瓜一箇臣即郊迎至署謝

恩祇受隨敬開摺匣內臣具奏黔省士子兵民同時叩  
謝

天恩一摺奉有

硃批又於雍正八年正月二十九日臣標把總自京捧齋

奏摺匣回黔竝蒙

欽賜御書福字一幅荷包一對菓子二匣臣即郊迎至署謝

恩祇受訖臣又敬開摺匣內臣恭

進靈芝暨稻孫一摺奉有

硃批伏念臣本庸材蒙

皇上賞賚頻頒復荷

訓誨提撕至詳且切臣感戴之下惟有細心領會力圖  
步趨克去驕矜勉積敬誠以仰副

聖主委曲告誡於萬一若臣稍存慢斁於立身之本有  
虧是臣上負

訓旨罪戾更何可逭乎為此繕摺跪謝

天恩竝繳

硃摺謹

奏

覽奏謝知道了砥礪操守為第一要務若稍失檢點毫髮有瑕朕實為汝惜之勉之毋忽

雍正八年六月初八日貴州巡撫臣張廣泗謹奏為奏

聞黔省夏田收成情形竝米糧價值事竊照黔省自去冬以迄今歲春夏之間雨水均屬調勻所有民苗布種麥豆春蕎油菜各項雜糧咸皆茂盛結實現

在收穫已竣據布政司彙報前來查各府州縣收成分數俱有九分十分再入夏栽插之後雨水霑足稻禾挺秀并豆粟高粱稗穀之類亦俱發育壯盛今已屆六月時雨不缺若於秋成之前再得時雨一兩次可期大有至於現在各屬米糧價值每米一石自四錢五錢以至七錢不等麥蕎雜糧每石自二錢以至四錢不等即產米頗少之區每米一石亦祇八錢有零以至一兩不等臣叨任封疆

目觀熙和懼忤靡既理合繕摺奏

聞伏祈

皇上睿鑒謹

奏

夏收分數已悉至於秋成尚早非肆志自喜之時惟當竭力加勉敬誠以待

同日又

奏為恭謝

天恩事雍正八年六月初四日臣標把總自京捧齋  
奏摺匣回黔竝蒙

欽賜錠藥一匣臣郊迎至署恭設香案望

闕叩頭謝

恩祇受訖隨敬開摺匣有臣恭謝

天恩一摺奉到

硃批諭旨臣跪讀之下感激悚惶伏念臣一介庸愚仰  
荷



聖恩於半載之間由知府徵員拔置巡撫臣敢不勉圖報稱時切奮勵惟限於才具思慮不能周到於事

每多疎昧舛誤之處罪實難辭至於操守乃斷之原屬最易最難之事人人悉知各皆不能者章奏中此於心人人得以自主者且臣屢次

一二語何足取信須行與朕看奏摺悉蒙我

聖主訓諭期勉至詳至切臣少具心知敬謹凜體常念操守乃居官為人之根本若根本尚不能端正何以克承

聖訓而無忝官守非僅辜負

聖恩抑且赧顏於人世矣茲復欽承

殊諭惟有益加敬凜觸目儆心矢竭血誠力圖報效庶  
仰副

聖主提撕矜全於萬一耳所有微臣感激蟻忱謹繕摺  
跪謝

天恩伏祈

睿鑒謹

奏

果能言行相符朕復於汝何慮

同日又

奏為奏明事竊臣前奏辦理運售鉛觔所有節省餘  
息銀兩以作黔省公費暨增給各官養廉一摺奉  
有

硃批臣跪讀凜承惶悚無地隨謹遵

諭旨敬錄密送督臣鄂爾泰領悉外伏查教官養廉一

項緣先准部咨欽奉

上諭今觀山東巡撫司道等官之私收陋規如故則他  
省或有似此欺隱私受者亦未可知在地方官薪水  
之資自不可缺但於屬員之手接受節禮陋規斷乎  
不可今各省內或有尚未分給養廉之員著各督撫  
悉心商酌一面辦理一面奏聞欽此欽遵仰見我

聖主務期臣工謹飭廉隅使苞苴永杜之至意現在黔  
省自州縣以上凡有從前陋規節禮業已盡行剔

除惟查教官等染於積習於生童進學則仍收受  
贄見之禮以及補廩出貢丁憂起復等事莫不需  
索紙筆之費竊念士習為民風之表率而士子之  
優劣俱責成教官稽核舉報若操守不潔何能悉  
出於公是以臣遽將教官與雜職等一同議給養  
廉冒昧陳請乃竝未細思直省從未議及其勢難  
以周溥此實臣愚昧之咎悔懼無及斷不敢稍萌  
沽譽之念上負

聖恩下滋臣罪也荷蒙

聖主訓諭諄切臣不勝感激惶悚除俟督臣鄂爾泰再

為妥核

奏請外臣謹抒蟻悃繕摺

奏明伏祈

皇上睿鑒謹

奏

斯當深以為戒朕每見凡存沽譽之念者必至敗名而

後已稍懷市恩之心者必至被怨而方休設或不信試  
行看他日自知

雍正八年九月十八日貴州巡撫臣張廣泗謹  
奏為奏

聞黔省秋成豐稔情形竝米糧價值事竊照黔省秋成  
臣據署布政司接據各屬開報前來所有貴陽安  
順等十三府定番廣順等十四州貴筑龍里等三  
十三縣共計六十府州縣無論內地苗疆高低原

隰所種稻穀並雜糧悉皆蕃盛結實十分收成至  
米糧價值貴陽大定二府暨所屬州縣每米一倉  
石價銀自三錢二三分以至四錢有零高粱蕎稗  
每石自二錢以至三錢有零其平越都勻思南石  
阡遵義等府與所屬各州縣暨鎮遠府屬之施秉  
縣黎平府屬之天柱縣米價每石則自四錢以至  
五錢有零即鎮遠府與所屬之鎮遠縣黎平府與  
所屬之開泰錦屏永從等縣銅仁府與所屬之銅



仁縣思州府與所屬之玉屏青溪二縣暨威寧一  
州向來產米最少今米價每石祇七錢以至八錢  
有零其雜糧價值均與貴陽等屬不相懸殊俱甚  
平減兵民樂利臣謹繕摺奏

聞伏祈

皇上睿鑒謹

奏

覽黔省秋成并米價情形深慰朕懷

雍正八年十月十七日貴州巡撫臣張廣泗謹

奏為奏

聞大兵克復烏蒙府治情形仰祈

睿鑒事竊照烏蒙猺衆構逆不法并滇黔兩省調遣漢

土官兵布置方畧等緣由經臣繕摺

奏明茲於十月十五日酉刻接准安龍鎮臣哈元生

咨為恢復烏郡飛報大捷事內稱本鎮於本月初

八日自得勝坡督兵進剿前至以那劄營有叛逆

二萬餘衆竟在對面山梁張旗吶喊連站十有餘里我兵雖強幾有衆寡不敵之勢本鎮籌思非用奇兵曷克制勝是以兵分三路左右埋伏於初十日日本鎮由中路對敵逆賊不虞左右伏兵兩路夾攻賊衆披靡大敗四奔我兵奮勇追殺連踏賊營八十餘座鎗斃打死不計其數追至稻田壩官兵奮力冒險殺過松林直搗巢穴恢復烏郡實為大捷理合通咨等因到臣臣閱讀之下深為額慶所

有大兵進勦烏逆克復府治情由理合據實繕摺  
差員馳驛奏

聞謹

奏

據報克復烏蒙情形朕懷深慰以手加額覽之

同日又

奏為奏明事竊照烏蒙賊獍勾結東川鎮雄以及威  
寧所轄阿底之夷衆跳梁不法勢甚蔓延必須多

調漢土官兵始足聲援制勝今計督臣鄂爾泰派  
往東川一路漢土兵丁約有一萬五千餘名黔省  
經提臣楊天縱與臣先後遣撥赴威寧鎮雄者計  
官兵二千七百餘名從下游苗疆撤回上游協營  
竝提標兵丁遣赴威寧者二千餘名又督臣檄調  
滇省之漢土兵丁一千三百餘名來威應援合之  
黔省所調土兵四千餘名統計亦有萬人所需糧  
米除東川係督臣委令滇員經理接濟外至威寧

一路需糧亦多關係重大臣於據報之始即與司道定議就近將大定黔西平遠畢節等府州縣存倉之米撥運赴威六千餘石續又分撥三千餘石共足萬石之數專委貴西道賈擴基總理督運以共支威寧一路官兵無分滇黔計算可敷三月口糧嗣後如有不足再行陸續運送至於奮勇官兵并夷目土兵人等之輸誠效力者皆應臨時分別獎犒需費頗繁臣已節次動支公費銀二千五百

兩竝購備緞疋等項送與鎮臣哈元生行營收用  
其餘在於威寧畢節鎮雄各處有功效力之漢土  
官兵臣俱酌發賞需令該管文武分別給賞又從  
苗疆撤回之上游兵丁以駐防苗疆既久今甫經  
抽撤即赴威寧出師殊甚勞苦是以過省之日臣  
俱傳集慰諭并厚加犒賞該兵等咸各鼓勵踴躍  
所有上游倉儲既已撥運軍營今值秋成豐稔米  
價甚平昨經督臣囑商應行買備以資儲蓄臣現

與司道暨各該地方官詳加酌定另為會疏

題請外總之此等軍需事務固當籌備充裕而錢糧  
公項所關亦不敢不慎重出納臣惟公同司道悉心  
料理以冀妥協所有措辦緣由臣謹繕摺

奏明伏祈

皇上睿鑒謹

奏

覽奏朕甚嘉悅舉凡一應軍需犒賞之項勿使冒濫而



己自當充裕為是斷未有譴責汝等糜費之理若但以  
節慎錢糧為潔已免咎之良圖致令將士灰心地方不  
寧生民勞擾其間相去奚啻什伯豈節省數兩庫帑幾  
石倉穀遂能償其過乎誌之茲所辦俱屬妥協內惟苗  
疆撤回之兵弁又調赴行營止慰諭以空言安能鼓舞  
令其踴躍用命雖據奏稱厚加犒賞竝未聲明若何給  
與當傳宣諭旨更為從優錫賚必使人人過其所望方  
愜朕懷作速酌量辦理具奏以聞

雍正八年十二月初一日貴州巡撫臣張廣泗謹  
奏為奏

聞大兵進剿逆夷連捷情形仰祈

聖鑒事竊照烏蒙猺衆不法所有官兵於十月初十日  
恢復郡治緣由經臣繕摺

奏明嗣鎮臣哈元生駐劄烏蒙行營躡探搜捕陸續  
救回被難之兵民男婦大小五六百名口并傷故  
官弁之眷屬子女數十口又分遣漢土官兵令叅

將康世顯等由魯甸而至牛欄江邊以接應東川  
令遊擊曾長治等由龍門碕山攻打法漏壘以為  
鎮雄援助緣烏逆悖叛之後東川諸夷皆被勾連  
遂將東烏道路隔絕迨叅將康世顯等領兵前抵  
江邊於十月二十九日有滇省遊擊王先等自東  
川領兵過江與康世顯等會合而東烏聲息始通  
其鎮雄營叅將韓勲於遊擊曾長治未抵法漏壘  
之先已將逆目施額法漏并賊夷黨衆屢次攻勦

暨搗其巢穴復由戈魁河銅廠溝一帶沿箐搜擒  
獲有賊夷男婦一千八百餘名口先將鎮雄界內  
賊黨勦撫安帖然後率兵前進烏蒙直抵伐烏關  
甕迭壘等處相機布置於十一月初六日進取大  
關雄魁與賊對敵連破牌柵五層賊人敗潰隨即  
克復其川省之領兵官李繼經等從筠連一路克  
取豆沙關攻破小關大關與叅將韓勲官兵不約  
而同聲勢聯絡臣查烏蒙地方形勢深險除郡城

之外其大關米貼兩處最屬扼要所以於大關之  
雄魁腦地方分駐通判米貼則改為永善縣并各  
安設營汛官兵以資彈壓自郡城失陷而大關米  
貼俱被賊黨所踞前日鎮臣哈元生提師直進恢  
復府治今則叅將韓勲等一鼓克取大關所有米  
貼各夷一經官兵到彼諒必不敢抗違此皆仰賴  
我

皇上天威遠播鎮將弁兵奮勇用命督臣鄂爾泰調度

周詳之所致也現在川省官兵已經會合并准鎮  
臣哈元生咨稱復自烏蒙分兵三路拔營前進其  
逆猺遊魂不過藏匿溜筒江邊一帶巖洞深箐之  
內已布置周密四面搜勦等語則是尅日可靖餘  
孽大兵凱旋以上慰

聖懷臣謹將大兵連捷情形繕摺奏

聞謹

奏

觀此情形事之克捷實賴

上天垂佑所致殊非人力之所能者

同日又

奏為奏明事竊照黔省下游苗疆安設鎮營各處官署營房逐一估計蓋造其城垣乃保障要資尤關重大現在清水江丹江雞講城垣已陸續報竣惟八寨古州尚在趕辦春初可以完工至於各處苗情均屬安帖祇有續行開通之都江山苗滾踪等

寨每每潛行出沒伏草傷人鎮臣蘓大有遣兵前往究懲傷故千總一員兵丁十五名又有定旦革招等寨或於夜間潛來營盤左近放火以圖驚擾或於沿江零星伏草傷害貿易民人因之凡有緊要文移差使俱於各行營挨次撥兵護送昨據駐劄都江之黔粵將弁等稟稱十一月初六日有定旦營盤撥送臣衙門齎文差役赴來牛之兵丁回至高孖地方忽有頑苗突出阻截於山上木石齊



下兵丁立脚無地遂致傷損四十餘名等情由臣  
查都江乃黔粵河道通達要區鎮臣蘇大有已於  
十一月十三日病故古州總兵之缺督臣業委領  
兵在黔之廣西桂林協副將董芳護理臣當飛致  
護鎮臣暨諄諭在事文武和衷共濟務將滾踪定  
旦革招等寨嚴行究懲現據報稱清江協副將趙  
文英慶遠協副將潘紹周已帶領官兵前往布置  
諒此數寨遺孽不難剿除而巖疆水陸一帶自無

阻隔之患矣再查上游長寨地方狎苗從前恃險肆惡幸於雍正四年督臣鄂爾泰殲其渠魁撫其餘從并安營設官彈壓比年以來得以寧謐緣長寨一營初係安兵八百名續因歸化設營撥去二百餘名除分駐各汛塘之外存城已屬無幾派遣苗疆出師者尚未撤回昨值烏蒙之事復經撥兵一百五十名前往應援則是愈為空虛近聞苗人等因年歲豐收照依俗例衆寨會合要砍牛數十

條祭賽祖先等情臣思長寨自從整頓約束以來已歷數載未敢舉行此事今乘斯營汎兵單之際忽思仍蹈前習必非無故臣當密飭廣順州知州暨長寨營叅將一面宣諭禁止竝留意稽查而提臣揚天縱亦委員帶兵二百名前去各該寨遊巡體探逐為示諭該苗人等隨俱凜遵中止但長寨終屬巖區撫戢之方不可稍致疎忽現在該營調往烏蒙兵丁已先有撤回者提臣亦量留遊巡之

兵暫駐貼防并傳喚各寨之管事頭人數名就近  
赴安順詢問若彼毫無詭異情迹則已倘果前日  
有何不法之念推詢得實臣當會商督提二臣設  
畫安插妥善毋使得以作姦貽患也所有情形臣  
謹繕摺附

奏伏祈

皇上睿鑒謹

奏

一切安插撫輯機宜悉心與督臣鄂爾泰商酌行之

同日又

奏為敬陳一得之愚恭請

聖鑒事竊查直省督撫等衙門每遇

大計之期除卓異八法照例舉行外其不入舉劾之  
員俱密填考語送部部臣列定等次進呈

御覽即於部內存記檔案未奉行知是各該員之優劣  
其本人暨通屬皆不得與聞而各督撫所註考語

既係密填密送無從彰露或仍有徇情任意之私亦未可定今雍正八年分恭值

大計之期所有黔屬各官除應附薦官二員不謹罷軟年老有疾才力不及等官十八員照例具本

題達外其不入舉劾之員臣俱逐細密填考語送部應俟部臣列定等次進呈

御覽之後即請

旨將所定等次飭部開列行知以便與原註各該員考

語一併印刷粘單通知各屬俾其彼此優劣相形  
尤易觀感興起且其中才具操守互有短長使知  
一經考核悉達

天聽則才具政事雖優而操守平常者必知儆惕加勉  
或操守雖好而才具政事中平者亦必力圖振作  
竝請

敕諭督撫等將此屆所定等次俟至下屆考核之期詳  
慎稽覈如有自恃優等怠惰前修者不妨降為劣

等如有悛改舊習奮勵上進者不妨陞為優等逐一據實填明出具考語送部以聽部臣考察不得瞻徇失實如此課職程能似可推廣

聖主策勵臣工核實吏治之道於萬一也是否可行伏祈

皇上睿鑒指示謹

奏

吏部議奏



雍正九年二月十八日貴州巡撫臣張廣泗謹

奏為奏明事竊照銅仁府屬附近三不管苗地坡東坡西各寨新經就撫緣係黔楚接壤之區督臣鄂爾泰前自廣西巡歷回滇路過長沙與湖南撫臣趙宏恩暨辰沅道王柔面議紅苗事務并經由鎮遠指諭銅仁府協等辦理之方嗣經湖南撫臣趙宏恩辰沅道王柔俱

奏請奉

旨於上年十月內來至六里招撫措置准督臣知會到  
臣隨檄令銅仁協副將張禹謨酌帶官兵前往適  
中之地駐劄彈壓并令知府姚謙公同楚員聽候  
撫臣趙宏恩將所招三不管苗地先行判劃黔楚  
疆界然後查明寨分戶口作何設汛安兵與楚省  
營汛聯絡關照竝一切善後治理事宜詳加妥議  
繪圖具覆以便咨商督臣確核飭遵去後續據該  
府協稟稱業將黔楚地界割定管轄傳集各苗目

欽款賞犒宣述

皇仁倍加歡悅現在委員分往坡東坡西料理清編訖  
卑府協已於十二月初六日回郡容俟定議營汛  
諸務再行繪圖稟奪等情且查苗人甫經歸附正  
須大員在於適中之地駐劄料理停妥何得府協  
二人俱匆遽旋署甚為疎忽當即飛檄嚴飭乃忽  
於十二月二十一日據該府協會同稟稱親歷已  
撫之三不管各寨清查賞諭已畢復委令吏目張

公佐把總張文炳前往坡西核清糧銀編查煙戶  
內因稿坪落唐等寨有命案兇犯石老明等該員  
弁勒要獻出詎石老明等硬不肯出邀齊落唐稿  
坪各寨苗子一二百人於十二月初九日早假裝  
來看上糧各執棍棒擁進苗目老求屋內將吏目  
張公佐把總張文炳登時打死在地隨去兵役一  
齊捉住理合據實飛稟等情到臣隨一面專委鎮  
遠府知府劉泐馳往確查一面就近知會提臣楊

天縱酌撥官兵以俟進剿續據劉沛稟稱細查稿  
坪等寨苗人起釁之由因吏目把總收糧太緊每  
戶索銀錢餘以致苗人銜怨滋事等語則是該吏  
目把總藉端勒索禍由自取該知府副將既未措  
置妥協俱即輕離又委託不得其人致起釁隙而  
臣之教誡不周致初歸苗人激令生事罪實難辭  
臣即將委查情由致明督臣竝咨請主稿會疏

題叅在案至原報所稱捉去兵役現已陸續俱行追

出在該苗人等實因激成起釁是以被捉兵役尚不敢一有傷損但已經歸撫輒敢因事糾黨毆斃職官何可寬宥所有兇首以及隨行不法者必應擒勒示儆查現在黔楚調集官兵三千名以之直臨兇穴儘足遣用緣該府協與鎮算鎮臣周一德等會商彼處山箐甚大路徑叢雜并一帶均係新撫苗人凡未與附和者先須曉諭安輯無使驚惶然後分布堵禦進剿庶兇類不致漏網可以一舉

而定矣容俟布置完結另行

奏報外合將據稟暨臣等委查辦理情由繕摺

奏明伏祈

皇上睿鑒謹

奏

其未與附和者自當先行曉諭安輯俾兇良有別諸凡  
慎為之不可輕忽從事

同日又

奏為敬抒愚忱恭請

陛見事竊臣一介疎庸荷蒙

皇上隆恩數年之內由知府

簡畀封疆重任

聖恩高厚莫可名言臣感激悚惶實不知所措當恭承  
恩命之下警惕靡寧即擬披瀝誠悃叩謁

天顏緣清理古州苗疆一帶尚未告竣繼以烏蒙用兵  
之事一切軍需應行料理是以輾轉稽延不敢冒



昧

奏請茲烏蒙首逆就擒黨類俱已殲除而古州等處  
布置均各就緒臣俟布政使常安到任即當請商  
督臣鄂爾泰定期前往古州等處逐加查勘所建  
城垣營房官署是否堅固合式所開河道是否通  
行無阻新議都江一帶安設營汛處所是否扼據  
險要以及所辦事務是否因地制宜悉合輿情可  
以垂久而無弊與鎮將暨該管文員等面為講論

一切以資拊戢治理并就便前赴銅仁所撫之  
三  
不管苗地察看形勢悉心詳酌將諸凡事務備細  
請商督臣應辦理者即行辦理應

奏請者即行奏

聞務期巖區永靖章程不致疎畧以收寧謐之效伏懇  
皇上天恩准臣於苗疆巡歷既畢兼程赴京跪謁

天顏恭聆

聖訓不獨居官莅政之要臣獲以一一遵循即臣萬里

瞻戀蟻衷亦得稍慰矣抑臣更有請者臣受

恩深重未報涓埃每清夜自思汗淚俱下伏查西陲正  
在用兵以臣駑鈍下質固不敢言可供驅策但臣  
年齒正壯且比年以來曾在苗疆行走於鞍馬行  
伍之間尚能努力倘蒙我

皇上鑒察垂詢令臣前赴西陲軍前酌委效用俾臣得  
盡犬馬微勞尤出自

聖主矜全造就之賜也臣謹繕摺

奏請跪求

俞允弼勝激切統祈

皇上睿鑒謹

奏

所請俱可不必但盡職守何須思及於分外

雍正九年六月十五日貴州巡撫臣張廣泗謹

奏為奏請

聖鑒事竊照自京發遣各處罪犯往往途間會集擾累

索詐一無顧忌於雍正六年內經河東督臣田文鏡於解犯排黨等事叅奏犯人傳通索理等詐財辱官一案請將嗣後犯人酌定名數分起解送每五名作為一起等因經部定議奉

旨通行欽遵在案所有黔省自雍正八年六月至今准刑部陸續發遣安插之偷創人參罪犯計二十四起共一百六十餘名其有發遣雲南安插經過黔省遞解前進者亦屬相等緣以上人犯當日部中

雖係分起遣解但每遇一起內竟有二十餘名以  
及十餘名不等者或每起內雖各祇數名而於分  
發兩三省之犯一日遣解如雲南貴州係屬一路  
仍致多犯同行又或幾起人犯兩三日內接連僉  
發而狡猾之徒明知伊同夥人犯後起即來遂於  
途間藉故延待因之逐漸擁集至五六十名之多  
一齊解送在各犯雖不敢似傳通索理等恣橫不  
法之甚然人數既衆每至一處需索酒食多討夫

價擾累店民等項在所不免且犯人起解時例有鎖鑰填註解牌甚明乃中途竟行開放不無疎脫之慮臣用敢據實奏請

皇上俯賜敕諭部臣嗣後解犯務照定例名數分起發倘犯人雖係分發各省而總經由一途者則應酌量間日遣解免致擁集滋弊并通飭各省督撫轉檄州縣地方悉遵部發火牌火票將犯人照起解送前進務須鎖鑰如式不得私行開放及任聽

狡延會集擾累倘有故違經督撫查出即行

題叅如此實力奉行庶解犯無滋擾疎脫之虞而地方有司亦不敢膜置怠忽矣臣謹繕摺

奏陳伏祈

皇上睿鑒謹

奏

該部查議奏聞

雍正九年九月十五日貴州巡撫臣張廣泗謹



奏為再抒下忱恭懇

聖鑒事竊臣前摺奏請

陞見并往赴西陲軍前效力未邀

俞允嗣值督臣鄂爾泰奉有

諭旨著令赴京

陞見現在署督臣高其倬尚未到任臣又不敢冒昧

題請趨覲

天顏惟念臣謬叨

特擢重任更屢蒙

聖訓周詳臣獲以凜承竭蹶駑駘勉供職守其實未效  
涓埃伏查黔省連年豐稔民情豫暢所有苗疆各  
處業俱布置開通暨臣昨往察勘諸凡規模治理  
雖驟難竝埒內地而亦均有可觀且署督臣高其  
倬不日赴任過黔臣即將黔屬邇年之吏治苗情  
一切事務詳細備述以便面為核商并俟督臣鄂  
爾泰赴京抵黔之日臣亦將諸事與夫苗疆善後

要務請商酌示俾可就近督飭各該文武等措辦  
以期妥帖不致稍有疎忽上厯

宸懷臣用敢再懇我

皇上俯賜准臣俟署督臣高其倬任事三兩月後諸務  
就緒臣於明春二三月內赴京得以瞻謁

天顏恭聆

聖訓庶臣數年依戀蟻悃獲申萬一為此繕摺

奏請伏祈

皇上睿鑒指示謹

奏

明知鄂爾泰進京陛見高其倬初往署事猝難就緒而頻頻奏請來京實不解汝具何意見也觀汝諸凡奏對大不似從前矣莫移初志專務一誠字為要將鄂爾泰之所指示時刻不可去懷勉力效法其居心行事方好

同日又

奏為奏明事竊照黔省新闢古州等處苗疆安設鎮

營開通河道已經建造之城垣衙署營房等項并一切創設章程關係久遠不敢輕委他員稽查遽為倚信是以臣於上年九月內具摺

奏請

聖鑒准臣親為巡歷察勘奉有

訓旨臣即欽遵致商督臣鄂爾泰去後接准覆稱事關重大應往稽查其一切事宜須臣細加勘議備覆以便核定會

題等因茲臣已逐一查勘業將起程及旋署日期緣  
由先後恭疏

題報在案臣於所到之處率同各該文武等逐加察  
勘所有古州城垣礮臺建築已竣關箱街道布列  
成行其衙署營房亦俱蓋造完好兼有都江河道  
上至黔省都勻府屬下抵粵西柳州府屬古州重  
鎮處在居中現在商賈舟楫往來停泊儼然一大  
都會較之黔屬內地尤覺形勢有加至於清水江

河道上自都勻府治下抵楚省紅江大河兩岸苗寨稠繁與鎮遠黃平施秉天柱等府州縣暨古州九股丹江各處新疆俱攙雜通聯形勢險要所設之清江協係在適中以資控馭應建城垣礮臺衙署營房皆已完整現在船隻客貨亦絡繹通行以及八寨丹江雞講等處之城垣礮臺衙署營房俱經建造外尚有各處應分汎塘之衙署營房等項臣已催令該管各員乘斯三冬農隙之時速行趕

辦勿致遲延并清江河道內有灘石數處雖經修鑿尚未妥順又都江河道有零碎灘石應行揀修以及三難灘一段從前大石橫攔不通舟楫今雖開鑿但未甚坦適暨各岸緯路未經修完開整之處臣俱親歷指示各該員務於春水未發之前如式修治完竣即可永垂利濟矣再查各處苗寨所有礮位鳥鎗暨盔甲刀弩之類陸續查收以來已共計三萬餘件而此外有可收者尚多臣亦諭著



該文武由近及遠一體查明收繳總之新疆治理全在得人今文武各員係於通省遴選居官好者始行

題請補授臣所到之處於文武各員考其辦事之得失就其才情之短長諄切勉誡其中實有勤勞應予獎拔或人地實不相宜難期勝任者臣旋署後業俱密開致商督臣以待核奪至目下苗情久經安靖各處額兵俱已到齊以情勢論所有貼防兵

丁似可抽撤但於上年烏蒙之役將出師苗疆兵  
丁多已調回現在貼防古州清水江丹江者亦屬  
無幾臣已商之督提二臣酌量陸續抽撤毋庸急  
驟又都江除所駐黔兵外調來粵西之漢土兵丁  
四千餘名其土兵先經全撤所有貼防古州一帶  
官兵臣亦致商督臣酌量分作三次抽撤仍留千  
餘名暫資彈壓俟都江議設新兵募集到營之日  
然後概行撤回實為妥便所有都江九股因地廣

人繁酌議添設協營兵丁并新疆善後諸務臣俱  
詳細備敘商候督臣覆核

題請外臣謹將察勘過苗疆情形事宜繕摺

奏明統祈

皇上睿鑒謹

奏

覽奏俱悉善後事宜最為切要全在文武官弁撫馭得  
法不可絲毫致涉欺凌必實心教養務令苗漢相安數

年後方可言成效也目今鄂爾泰來京陛見或多留數時亦未可定百凡更當加詳加慎辦理勉之毋忽

雍正九年十二月初一日貴州巡撫臣張廣泗謹奏為奏請

聖鑒事雍正九年六月二十九日准督臣鄂爾泰咨為題明事內開本部院齋摺家人回滇欽奉

硃批諭旨張體義著與張鉞對調欽此欽遵除行廣西按察使張體義遵照速赴貴州按察使新任其印

務飭委驛鹽道耿鱗奇暫行署理并行貴州按察使張鉞遵照俟張體義到黔交代清楚再赴廣西按察使新任及行布政司知照外相應咨會查照等因到臣欽遵在案嗣於十月二十六日新調按察使張體義已到黔任調任按察使張鉞交代清楚即於十一月初十日自黔起程前赴粵任訖臣伏查張鉞仕黔稍久熟悉風土情形現於刑名事件頗能細心承理先在黎平知府任內曾隨臣前

進古州布置於苗疆情勢亦所諳曉今蒙

恩旨著調粵西雖張鉞在黔在粵報效相同惟是黔屬之司道等官祇有貴東道方顯熟悉苗情係分駐鎮遠府地方現在省會之司道各員只可循分辦理職守於苗疆事情皆未諳悉臣以庸拙之人遂不免有措畫不周之慮茲值督臣鄂爾泰進京

陛見過黔臣將此情由詳悉告知據督臣云張體義於具揭廣西撫臣金鉷等徇庇諱盜一案審屬全

虛業經審明

題覆在案則是張體義倘蒙

聖恩尚留黔任臣當加意勉其恪慎供職如應處分離任所遺員缺臣不揣冒昧仰懇

皇上可否賞將張鉞仍調貴州按察使庶駕輕就熟諸事獲有成效臣併得資助助之益皆出自聖主格外之恩施也為此謹

奏

已有旨矣

同日又

奏為奏明事雍正九年四月二十九日接准戶部咨  
為遵

旨議奏事內開大學士公馬爾賽等奏稱雍正九年三  
月二十六日欽遵

上諭議得技勇之士所以為國家備干城之寄我  
皇上鄭重武備留意人才



特命直省督撫揀選送部以備訓練臣等就直省地方  
風氣酌量技勇分別多寡以足二千名之數另單

恭呈

御覽伏候

欽定俟

命下之日臣等行令各該督撫遵奉揀選送部等因雍正九年三月二十九日奉

旨依議欽此查奏單內開貴州七十名相應行文該撫

欽定四庫全書

硃批諭旨

四十

作速揀選送部等因到臣遵即分檄各屬凜遵石  
募暨屢次指催去後伏查黔省遐邊苗獠雜居漢  
民本少兼之風土薄弱其人材固不能似西北之  
雄偉且又習俗愚拙藝勇亦遠不及他省雖據各  
屬陸續送到者多人迨公同司道并在省文武諸  
員詳加考驗之下可以入選者無幾當又駁換另  
送再四挑選直至冬月方得揀足七十名臣等仰

體

聖主愛養人才至意何敢稍有率忽但限於地方風氣  
謹就地取材或弓馬稍有可觀或於鎗刀技藝畧  
曉一二或漢仗膂力稍勝中人至於超羣出衆則  
實鮮其人除行布政司動支公用銀兩給與路費  
委員管送各壯丁於十一月二十九日自黔起程  
進京赴部交收外合將挑選辦理與期限遲延緣  
由臣謹據實繕摺

奏明伏祈

皇上睿鑒謹

奏

何地無材限於風土之論謬矣果加意搜羅不得其人  
當據實奏明為是豈可濫選湊數且又耽延時日直至  
於今到京後候朕揀閱若遠遜於他省惟汝是問似此  
預為粉飾之詞遂能獲免於過耶

同日又

奏為奏明事竊照黔省苗獠種類繁多習俗淳頑不

一比年以來荷蒙我

皇上仁威遠播荒服傾心督臣鄂爾泰仰承

聖訓公忠籌畫整頓招徠胥歸寧謐所有烏蒙軍務早  
經告竣因尚留貼防官兵至本年六七月間亦陸續  
俱行撤回而古州苗疆事宜於本年八月內通盤  
勦撫事竣以及銅仁府之三不管生苗一案亦  
於本年八月內料理就緒訖以上各寨軍需用過  
正項銀米暨公費賞需等項應分案確核備敘

題銷但款數紛繁尚需時日因係各案軍務俱已告竣動用過錢糧公項攸關臣謹先將大概總數另摺

奏明伏祈

睿鑒謹

奏

軍需糧餉自應具本題銷何必多此一番瀆奏

雍正十年三月二十三日貴州巡撫臣張廣泗謹

奏為奏明事竊臣接准吏部咨為欽奉

上諭事內開雍正九年十二月二十五日內閣奉

上諭貴州按察使員缺著貴東道方顯補授貴東道員  
缺著南籠府知府黃世文補授南籠府員缺著雲南  
武定府同知王元烈補授欽此為此合咨前去欽遵  
查照施行等因到臣隨經轉行欽遵知照外應聽  
方顯即來赴按察司新任緣新闢下游苗疆內之  
九股一處寨分繁多苗情素悍又為清水江丹江

適中扼要之區上年十月內經大學士總督臣鄂爾泰於黔省苗疆事竣等事案內會疏

題請於九股適中之台拱地方添立一營設叅將一員兵丁一千名等因在案俟不日接有部覆即應前往安設不便遲延但一切布置全在得人必需熟諳之員方可倚藉料理今新陞貴東道黃世文才可辦事而於此地形勢竝未閱歷是九股安營一事仍得方顯同辦庶乎有益臣將此致商署督



臣高其倬會奪去後茲准札覆與臣意見相同除一面檄行方顯暫緩赴臬任俟九股安營之部覆到日即公同鎮道等帶領官兵前往先將設營駐兵係為地方保固防護之大義宣告明白并嚴禁騷擾使苗人俱曉然安堵迅將應立營基分同勘定俾大概規模皆有條理然後將一切工程暨善後諸務詳細講求交與該鎮道率同各文武員弁逐為措辦方顯即回省到臬司任如此則方顯不

過暫緩任事三兩月之期而新疆安營要舉可期  
完妥矣至於臬司印務臣已會商署督臣業委貴  
西道賈擴基暫行署理亦不致有貽誤為此繕摺  
奏明伏祈

皇上睿鑒謹

奏

方顯將設營駐兵諸務料理完畢然後再赴新任此議  
是所奏知道了



硃批諭旨卷一百八十九下